



جابتون جال إحوال ائتمام اسلام قولو و فینچ  
JABATAN HAL EHWAL AGAMA ISLAM PULAU PINANG  
LEBUH PANTAI  
10300 PULAU PINANG



TELEFON : 04-2637200  
FAKSIMILI : 04-2502810  
<http://jaipp.penang.gov.my>

Ruj. kami : JHEAIPP.PMS. 100-1/9/2 ( ٦٦ )  
Tarikh : ۱۳ Jamadilakhir 1442H  
26 Januari 2021M

Semua Pengerusi Kariah Masjid  
Negeri Pulau Pinang

Semua Pengerusi Masjid Ghair Jamek  
Negeri Pulau Pinang

Semua Pengerusi Surau Jumaat  
Negeri Pulau Pinang

Semua Pengerusi Surau  
Negeri Pulau Pinang

Y.Bhg. Tan Sri / Dato' Sri / Tuan,

**PEKELILING PELAKSANAAN AKTIVITI MASJID DAN SURAU NEGERI PULAU PINANG SEPANJANG TEMPOH PERINTAH KAWALAN PERGERAKAN (PKP) DAN PERINTAH KAWALAN PERGERAKAN BERSYARAT (PKPB).**

Dengan hormatnya saya merujuk perkara di atas.

2. Sukacita Jabatan ini melalui Mesyuarat Khas *Standard Operating Procedure* (SOP) dalam tempoh Perintah Kawalan Pergerakan (PKP) dan tempoh Perintah Kawalan Pergerakan bersyarat (PKPB) yang telah dipengerusikan oleh YB. Dato' Ir. Haji Ahmad Zakiyuddin bin Abd. Rahman, Timbalan Ketua Menteri 1 Pulau Pinang pada 26 Januari 2021 telah memutuskan seperti berikut:

- i. Memberikan kebenaran pelaksanaan solat Jumaat di semua masjid dan surau Jumaat Negeri Pulau Pinang kepada Jawatankuasa Kariah Masjid/Surau Jumaat, Pegawai Masjid/Surau Jumaat, Siak dan ahli kariah dengan kadar bilangan hendaklah di antara dua belas (12) orang jemaah hingga empat puluh lima (45) orang Jemaah diruang utama solat masjid /surau.
- ii. Memberikan kebenaran pelaksanaan solat berjemaah di masjid dan surau Negeri Pulau Pinang kepada Jawatankuasa Kariah Masjid/Surau, Pegawai Masjid/ surau dan Siak sahaja dengan kadar bilangan maksimum lima belas (15) orang Jemaah.

- iii. Memberikan kebenaran pelaksanaan solat jenazah bukan Covid-19 di masjid dan surau dengan kadar maksimum seramai dua puluh (20) orang jemaah.
- iv. Memberikan kebenaran penggunaan ruang solat musafir di masjid dan surau untuk kemudahan para pekerja e-hailing seperti Food Panda, Grab Food dan seumpamanya.
- v. Memberikan kebenaran hanya kepada aktiviti bacaan yasin dan tahlil kepada lima belas (15) orang yang terdiri daripada pegawai masjid, siak dan ahli jawatankuasa kariah sahaja selepas solat fardu. Manakala semua aktiviti pengimaranan dan aktiviti sosial secara bersemuka adalah tidak dibenarkan.

4. Pihak Y.Bhg. Tan Sri / Dato' / Tuan hendaklah mematuhi arahan di atas dan juga memastikan bahawa semua ahli kariah masing-masing mendapat maklumat semasa dan turut mematuohnya. Bersama ini juga disertakan Garis Panduan Tatacara Aktiviti Keagamaan Di Masjid Dan Surau Seluruh Negeri Pulau Pinang Dalam Tempoh Perintah Kawalan Pergerakan (PKP) & Perintah Kawalan Pergerakan Bersyarat (PKPB) seperti di Lampiran A.

5. Arahan pelaksanaan aktiviti masjid dan surau ini akan dikeluarkan dari semasa ke semasa secara berperingkat tertakluk kepada situasi perkembangan terkini wabak Covid-19 serta atas nasihat Kementerian Kesihatan Malaysia (KKM) dan Majlis Keselamatan Negara (MKN). Sama-sama kita membantu Kerajaan Malaysia dalam usaha mengekang penularan Wabak Covid-19.

Perhatian dan kerjasama Y.Bhg. Tan Sri / Dato' / Tuan mengenai perkara ini adalah amat dihargai dan didahului dengan ucapan terima kasih.

Sekian.

**"CEKAP, AKAUNTABILITI, TELUS"  
"BERKHIDMAT UNTUK NEGARA"**

Saya yang menjalankan amanah,

  
**(MOHD ZAKUAN BIN ZAKARIA)**

Pengaroh  
Jabatan Hal Ehwal Agama Islam Pulau Pinang

Salinan kepada:

- 1) YB. Timbalan Ketua Menteri 1 Pulau Pinang  
Pejabat Timbalan Ketua Menteri 1 Pulau Pinang  
Aras 52, KOMTAR,  
10503 Pulau Pinang  
Merangkap;  
Yang Dipertua,  
Majlis Agama Islam Negeri Pulau Pinang
- 2) YB Setiausaha Kerajaan Negeri,  
Pejabat Setiausaha Kerajaan Negeri Pulau Pinang  
Aras 25, KOMTAR  
10503 Pulau Pinang
- 3) S.S. Mufti Kerajaan Negeri Pulau Pinang  
Jabatan Mufti Negeri Pulau Pinang Aras 48, KOMTAR,  
10053 Pulau Pinang.
- 4) YDH. Ketua Polis Pulau Pinang  
Ibu Pejabat Polis Kontinjen Pulau Pinang  
Jalan Penang, George Town,  
10760 Pulau Pinang
- 5) Pengarah  
Majlis Keselamatan Negara Negeri Pulau Pinang  
Jabatan Perdana Menteri  
Tingkat 2, Bangunan MARA  
No.33, Jalan Pengkalan Weld 10300 George  
Town Pulau Pinang.
- 6) Pengarah  
Jabatan Kesihatan Negeri Pulau Pinang  
Tingkat 7, Bangunan MARA  
No.33, Jalan Pangkalan Weld  
10300 Pulau Pinang
- 7) Setiausaha Sulit Kepada  
TYT Yang Di-Pertua Negeri Pulau Pinang  
Seri Mutiara, Jalan Utama  
10500 Pulau Pinang

- 8) Semua Pegawai Tadbir Agama Daerah  
{Untuk tindakan sewajarnya}
- 9) Imam besar Masjid Negeri dan Imam Utama Masjid Daerah  
{Untuk tindakan sewajarnya}



**GARIS PANDUAN  
TATACARA AKTIVITI KEAGAMAAN DI MASJID  
DAN SURAU SELURUH NEGERI PULAU  
PINANG  
DALAM TEMPOH  
PERINTAH KAWALAN PERGERAKAN  
(PKP) & PERINTAH KAWALAN  
PERGERAKAN BERSYARAT (PKPB)**

**GARIS PANDUAN  
TATACARA AKTIVITI KEAGAMAAN DI MASJID  
DAN SURAU SELURUH NEGERI PULAU PINANG DALAM TEMPOH  
PERINTAH KAWALAN PERGERAKAN (PKP) & PERINTAH KAWALAN  
PERGERAKAN BERSYARAT (PKPB)**

**1. TUJUAN**

- 1.1 Garis Panduan ini bertujuan sebagai panduan dan rujukan kepada semua pihak yang terlibat dalam pengurusan dan perkhidmatan masjid dan surau seluruh Negeri Pulau Pinang mengenai Tatacara aktiviti keagamaan di masjid dan surau dalam tempoh Perintah Kawalan Pergerakan (PKP) & Perintah Kawalan Pergerakan Bersyarat (PKPB); dan
- 1.2 Garis Panduan ini juga bertujuan mengurangkan risiko penularan wabak penyakit, menetapkan langkah-langkah pencegahan dan keselamatan bagi mengelakkan kesihatan awam terjejas.

**2. PELAKSANAAN PROSEDUR SOLAT JUMAAT**

**2.1 Bilangan Jemaah Yang Dibenarkan**

- a) Dihadkan antara **dua belas (12) orang hingga empat puluh lima (45) orang jemaah** sahaja di ruang utama solat masjid dan surau Jumaat seluruh Negeri Pulau Pinang. Bilangan ini adalah termasuk Jawatankuasa Kariah Masjid / Surau Jumaat, Pegawai Masjid dan Siak;
- b) Jemaah hendaklah berstatus warganegara Malaysia dan Pemastautin Tetap sahaja yang terdiri daripada Jawatankuasa

Kariah Masjid / Surau Jumaat, Pegawai Masjid / Surau Jumaat, Siak dan Ahli Kariah;

- c) Ahli Kariah terpilih hendaklah berusia **15 tahun hingga 70 tahun sahaja**. Jawatankuasa Kariah, Pegawai Masjid dan Siak yang berusia 70 tahun dan ke atas yang sihat dan tidak bergejala adalah dibenarkan untuk hadir bertugas dan melaksanakan solat Jumaat;
- d) Mekanisme pemilihan jemaah akan ditentukan oleh Jawatankuasa Kariah Masjid / Surau Jumaat dengan mengambil kira lokaliti setempat dan penggiliran dalam sesuatu kariah;
- e) Senarai jemaah terpilih yang mengandungi maklumat nama, alamat dan nombor telefon hendaklah didaftarkan di dalam rekod kehadiran dan juga dimaklumkan secara rasmi melalui medium yang bersesuaian dan praktikal kepada jemaah selewat-lewatnya satu (1) hari sebelum pelaksanaan solat Jumaat. Jemaah yang tidak terpilih dan tidak menerima makluman rasmi perlu akur kepada pemilihan dan penggiliran yang ditetapkan;
- f) Bagi masjid atau surau Jumaat yang mempunyai saiz keluasan ruang solat utama terhad setelah mengambil kira keperluan mematuhi penjarakan fizikal dengan sekurang-kurangnya satu (1) meter antara satu jemaah dengan jemaah yang lain, maka bilangan jemaahnya adalah terhad mengikuti kemampuan kapasiti masjid / surau Jumaat berkenaan tetapi hendaklah tidak kurang daripada 12 orang; dan

- g) Bagi masjid yang terletak di sekitar George Town, Pulau Pinang yang tiada atau kurang ahli kariah tetap, jemaah boleh dipilih dalam kalangan jemaah setempat melalui pendaftaran awal.

## 2.2 Pelaksanaan Solat Jumaat

- a) Pembesar suara luar hanya digunakan untuk azan dan iqamah sahaja. Bagi aktiviti khutbah dan solat Jumaat, hanya dibenar untuk menggunakan pembesar suara dalam sahaja;
- b) Pelaksanaan azan adalah mengikut Irsyad Hukum Panduan Azan Untuk Pelaksanaan Solat Jumaat di Masjid / Surau Jumaat Semasa Tempoh Perintah Kawalan Pergerakan Bersyarat (PKPB) yang dikeluarkan oleh Jabatan Mufti Negeri Pulau Pinang bertarikh 19 Mei 2020 seperti di Lampiran B (1);
- c) Imam dan Khatib Jemputan adalah tidak dibenarkan untuk memimpin solat dan menyampaikan khutbah Jumaat. Tanggungjawab ini adalah terletak kepada imam yang dilantik oleh Majlis Agama Islam Negeri Pulau Pinang sahaja;
- d) Khutbah Jumaat hendaklah diringkaskan dan hanya menggunakan teks khutbah yang disediakan oleh Jabatan Hal Ehwal Agama Islam Pulau Pinang sahaja dengan kadar tempoh bacaan khutbah 10 minit;
- e) Imam hendaklah membaca surah atau ayat yang pendek ketika solat serta meringkaskan zikir dan doa dengan kadar tempoh keseluruhan solat Jumaat adalah 10 minit; dan

- f) Ahli kariah yang tidak melaksanakan solat Jumaat di masjid atau surau Jumaat hendaklah melaksanakan solat fardu Zohor di tempat masing-masing.

### **3. PELAKSANAAN PROSEDUR SOLAT FARDU BERJEMAAH**

#### **3.1 Bilangan Jemaah Yang Dibenarkan**

- a) Dihadkan kepada **lima belas (15) orang sahaja** di masjid dan surau seluruh Negeri Pulau Pinang; dan
- b) Hendaklah terdiri daripada Jawatankuasa Masjid atau surau, Pegawai Masjid atau surau serta Siak masjid atau surau sahaja.

#### **3.2 Pelaksanaan Solat Fardu Berjemaah**

- a) Pembesar suara luar hanya digunakan untuk azan dan iqamah sahaja;
- b) Lafaz azan adalah merujuk para 2 (ii) Kenyataan Rasmi Mufti Negeri Pulau Pinang bertarikh 17 Mac 2020 seperti di Lampiran B (2); dan
- c) Imam hendaklah membaca surah atau ayat yang pendek ketika solat serta meringkaskan zikir dan doa dengan kadar tempoh keseluruhan solat adalah 20 minit.

### **4. PELAKSANAAN SOLAT JENAZAH BUKAN COVID-19**

- 4.1 Dibenarkan kepada Warganegara Malaysia dan Pemastautin Tetap (PR) sahaja;
- 4.2 Bilangan maksimum jemaah solat jenazah adalah seramai **20 orang** yang terdiri daripada imam, jawatankuasa kariah dan ahli keluarga

- terdekat (ibu, bapa, suami/isteri, saudara kandung dan anak kandung si mati) dengan mengambil kira penjarakan fizikal sekurang-kurangnya satu (1) meter. Baki ahli keluarga dan orang ramai dinasihatkan untuk melaksanakan solat jenazah ghaib di rumah masing-masing;
- 4.3 Bagi tujuan urusan pengkebumian, jumlah kehadiran maksimum yang dibenarkan adalah seramai 20 orang sahaja; dan
- 4.4 Aktiviti ziarah kubur tidak dibenarkan selepas urusan pengkebumian selesai.

## 5. PANDUAN PENYEDIAAN DAN PENGGUNAAN RUANG SOLAT MUSAFIR

- 5.1 Pihak masjid / surau hendaklah **menyediakan ruang solat musafir** khusus yang bertanda di kawasan balai lintang atau di ruang tertentu masjid / surau untuk kemudahan para pekerja e-hailing seperti Food Panda, Grab Food dan yang seumpamanya;
- 5.2 Pihak masjid / surau hendaklah menyediakan sudut info di ruang solat musafir untuk pematuhan garis panduan sedia ada seperti penjarakan fizikal, larangan berkumpul dan lain-lain;
- 5.3 Pihak masjid / surau hendaklah menyediakan buku atau aplikasi MySejahtera dan rekod ini hendaklah mengandungi maklumat seperti nama, alamat dan nombor telefon;
- 5.4 Pihak masjid / surau hendaklah tidak meletakkan sejada / telekung di ruang solat musafir dan pengguna ruang solat musafir hendaklah membawa sendiri sejada / telekung;

- 5.5 Ruang solat musafir hendaklah sentiasa dipantau dan disanitasi; dan
- 5.6 Penggunaan **ruang solat musafir hanya dibuka selama 1 jam selepas masuk waktu solat fardu.**

## **6. PELAKSANAAN AKTIVITI MASJID SELAIN IBADAH SOLAT**

- 6.1 Semua aktiviti pengimaranan dan aktiviti sosial seperti ceramah, kelas pengajian, majlis akad nikah dan program gotong royong yang dijalankan secara bersemuka hendaklah ditangguhkan sehingga tamat tempoh Perintah Kawalan Pergerakan (PKP) & Perintah Kawalan Pergerakan Bersyarat (PKPB);
- 6.2 Bagi majlis akad nikah yang ditangguhkan pelaksanaannya di masjid dan surau, ianya boleh dilaksanakan **di Pejabat Agama Daerah**. (sila rujuk Tatacara Pelaksanaan Majlis Akad Nikah di Negeri Pulau Pinang Sepanjang Tempoh PKP dan PKPB)
- 6.3 Hanya aktiviti **bacaan Yassin dan tahlil sahaja dibenarkan** kepada 15 orang yang terdiri daripada pegawai masjid, siak dan jawatankuasa kariah sahaja selepas solat fardu;
- 6.4 Semua mesyuarat termasuklah mesyuarat agung pemilihan Jawatankuasa Kariah Negeri Pulau Pinang hendaklah ditangguhkan; dan
- 6.5 Aktiviti ziarah kubur ditangguhkan buat sementara waktu.

## **7. PEMATUHAN STANDARD OPERATING PROCEDURE (S.O.P) YANG DIPERKETATKAN**

- 7.1 Kaunter pemeriksaan suhu bagi setiap jemaah adalah diwajibkan bagi memastikan hanya yang sihat sahaja dibenarkan hadir dan diwajibkan **memakai pelitup hidung dan mulut (*face mask*)**;
- 7.2 Jemaah yang hadir hendaklah tidak mempunyai sebarang gejala Covid-19 seperti demam, batuk, sakit tekak, sesak nafas, selsema, berpenyakit kronik atau yang seumpamanya dan suhu badan tidak melebihi 37.5 C;
- 7.3 Jemaah yang mempunyai hubungan kontak rapat positif Covid-19 atau dalam tempoh kuarantin yang diarahkan oleh Kementerian Kesihatan Malaysia adalah tidak dibenarkan hadir ke masjid / surau;
- 7.4 Jika ada jemaah yang disyaki atau disahkan positif Covid-19, masjid atau surau Jumaat tersebut hendaklah melakukan proses sanitasi penuh dan jemaah lain yang hadir pada hari berkenaan perlu melakukan saringan mengikut prosedur Kementerian Kesihatan Malaysia. **Tindakan penutupan masjid perlulah dirujuk terlebih dahulu kepada Pejabat Agama Daerah berkenaan**;
- 7.5 Kehadiran hendaklah direkodkan menggunakan aplikasi MySejahtera atau di dalam buku kehadiran dan hendaklah disimpan bagi tujuan rujukan jika perlu;

- 7.6 Pihak masjid dan surau hendaklah menyediakan cecair pembasmi kuman (*hand sanitizer*) yang mematuhi standard Kementerian Kesihatan Malaysia (KKM);
- 7.7 Semua ahli jemaah yang hadir hendaklah **mengambil wuduk** sebelum hadir ke masjid dan **membawa sejadah bersaiz besar**. Penggunaan air kolah tidak dibenarkan sama sekali kecuali pili air ketika wuduk terbatal;
- 7.8 Cara masuk dan keluar masjid / surau mesti mengikut giliran dengan beratur serta menjaga penjarakan fizikal yang terkawal;
- 7.9 Tidak bersalaman sepanjang berada di masjid / surau. Para jemaah hendaklah terus pulang dan tidak berkumpul di luar setelah selesai solat;
- 7.10 Tidak berlaku pergerakan yang sangat aktif di dalam masjid dan surau kecuali di dalam ruang dan pada kedudukan yang ditetapkan sahaja.
- 7.11 Tiada aktiviti perkumpulan dibenarkan selepas selesai solat sama ada di dalam atau di luar masjid / surau;
- 7.12 Jemaah bersurai dalam keadaan tenang melalui pintu keluar yang ditetapkan sambil mematuhi jarak fizikal;
- 7.13 Pegawai yang bertugas hendaklah melaksanakan rondaan dan pemeriksaan di dalam, di luar dan sekitar perkarangan masjid / surau untuk memastikan jemaah terus pulang; dan

- 7.14 Melakukan sanitasi ruang solat dan kawasan sekitarnya termasuk tandas dan ruang wuduk sebelum dan selepas solat dilaksanakan;

## **8. PANDUAN AM**

- 8.1 Pegawai Jabatan dan pihak Polis Diraja Malaysia (PDRM) yang bertanggungjawab melaksanakan aktiviti pemantauan terhadap pematuhan Garis Panduan ini adalah dibenarkan untuk melaksanakan solat Jumaat serta solat fardhu berjemaah di masjid atau surau dan mereka tidak termasuk di dalam bilangan yang ditetapkan;
- 8.2 Surau yang berhasrat untuk melaksanakan solat Jumaat dalam tempoh Perintah Kawalan Pergerakan (PKP) dan Perintah Kawalan Pergerakan Bersyarat (PKPB), boleh mengemukakan permohonan melalui Pegawai Tadbir Agama Daerah untuk mendapat kelulusan daripada pihak Jabatan Mufti Negeri Pulau Pinang. Walau bagaimanapun, pematuhan kepada perkara yang dinyatakan di para 2.1 dan 2.2 hendaklah dipatuhi.
- 8.3 Mana-mana masjid atau surau Jumaat yang tidak dapat mematuhi Garis Panduan ini adalah tidak dibenarkan untuk melaksanakan solat Jumaat;
- 8.4 Semua ahli kariah hendaklah dimaklumkan dengan seberapa segera tentang Garis Panduan yang berkuatkuasa ini melalui apa-apa sahaja medium hebahan yang bersesuaian;
- 8.5 Semua pintu ulama dan pagar masjid hendaklah ditutup bagi mengelak kekeliruan dan ditampal dengan notis makluman; dan

## **9. PENGUATKUASAAN**

- 9.1 Garis Panduan ini adalah berkuatkuasa mulai 27 Januari 2021M bersamaan 14 Jamadilakhir 1442H sehingga arahan baru dikeluarkan oleh jabatan tertakluk kepada perubahan arahan oleh pihak Kerajaan dari semasa ke semasa atau sehingga satu tempoh diisytharkan keadaan kembali selamat oleh pihak Kerajaan Malaysia; dan
- 9.2 Sebarang pindaan garis panduan ini akan dikaji dari semasa ke semasa atas nasihat Kementerian Kesihatan Malaysia (KKM) dan Majlis Keselamatan Negara (MKN).

Pengarah  
Jabatan Hal Ehwal Agama Islam Negeri Pulau Pinang

26 Januari 2021M  
13 Jamadilakhir 1442H



## Irsyad Hukum

### PANDUAN AZAN UNTUK PELAKSANAAN SOLAT JUMAAT DI MASJID / SURAU JUMAAT SEMASA TEMPOH PERINTAH KAWALAN PERGERAKAN BERSYARAT (PKPB)

Sehubungan dengan kebenaran solat Jumaat di Masjid dan Surau Jumaat dalam Negeri Pulau Pinang dalam tempoh Perintah Kawalan Pergerakan Bersyarat (PKPB) bermula 29 Ramadan 1441H bersamaan 22 Mei 2020, Jabatan ini menyarankan azan yang dilaungkan untuk pelaksanaan solat Jumaat hendaklah dilaksanakan sebagaimana berikut;

1. Azan pertama apabila masuknya waktu zuhur dilaungkan dengan **menggunakan pembesar suara luar** dengan lafaz gantian seruan *hai'alatain* (حَيْ عَلَى الصَّلَاةِ، حَيْ عَلَى الْفَلَاجِ) kepada (صلُوا فِي بُيُوتِكُمْ) seperti berikut;

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،  
 أَشْهُدُ أَنْ لَا إِلَهَ إِلَّا اللَّهُ، أَشْهُدُ أَنْ لَا إِلَهَ إِلَّا اللَّهُ،  
 أَشْهُدُ أَنْ مُحَمَّدًا رَسُولُ اللَّهِ، أَشْهُدُ أَنْ مُحَمَّدًا رَسُولُ اللَّهِ،  
صَلُوا فِي بُيُوتِكُمْ، صَلُوا فِي بُيُوتِكُمْ،  
 اللَّهُ أَكْبَرُ، اللَّهُ أَكْبَرُ، لَا إِلَهَ إِلَّا اللَّهُ

2. Manakala untuk azan kedua apabila khatib telah berada di atas mimbar, laungan azan dilakukan dengan **menggunakan pembesar suara dalam sahaja** dengan lafaz azan seperti biasa, iaitu;


اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،  
 أَشْهُدُ أَنْ لَا إِلَهَ إِلَّا اللَّهُ، أَشْهُدُ أَنْ لَا إِلَهَ إِلَّا اللَّهُ،  
 أَشْهُدُ أَنْ مُحَمَّدًا رَسُولُ اللَّهِ، أَشْهُدُ أَنْ مُحَمَّدًا رَسُولُ اللَّهِ،  
 حَيْ عَلَى الصَّلَاةِ، حَيْ عَلَى الصَّلَاةِ،  
 حَيْ عَلَى الْفَلَاجِ، حَيْ عَلَى الْفَلَاجِ،  
 اللَّهُ أَكْبَرُ، اللَّهُ أَكْبَرُ، لَا إِلَهَ إِلَّا اللَّهُ

3. Sehubungan dengan itu juga, penyampaian khutbah dan bacaan imam ketika pelaksanaan solat Jumaat hendaklah **menggunakan pembesar suara dalam sahaja**.

Diterbitkan oleh;

Jabatan Mufti Negeri Pulau Pinang

19 Mei 2020 / 26 Ramadan 1441



جایز منقش نسکنی قولاً و قیشع  
JABATAN MUFTI NEGERI PULAU PINANG  
TINGKAT 48, KOMTAR,  
10000 PULAU PINANG

26  
Tel : 04-2632975 ( Pej. Am )  
04-2630634 ( Mufti )  
04-6505452 ( Fatwa )  
04-6505453 ( Falak )  
04-6505454 ( Pentadbiran )  
Faks : 04-2632985

## KENYATAAN RASMI MUFTI KERAJAAN NEGERI PULAU PINANG

### PENJELASAN MENGENAI ISU SOLAT JUMAAT DAN AKTIVITI DI MASJID/SURAU KESAN PENULARAN WABAK COVID-19

1. Adalah dimaklumkan bahawa saya bagi pihak Jawatankuasa Fatwa Negeri Pulau Pinang telah mengambil maklum Resolusi Mesyuarat Jawatankuasa Muzakarah Khas Majlis Kebangsaan Bagi Hal Ehwal Ugama Islam Malaysia yang bersidang pada 15 Mac 2020 di Hotel Pulse Grande, Putrajaya mengenai isu wabak CoVid-19.
2. Ahli-ahli mengambil maklum bahawa Mesyuarat Jawatankuasa Muzakarah Khas Majlis Kebangsaan Bagi Hal Ehwal Ugama Islam Malaysia telah mendapat maklumat dan fakta yang jelas berkaitan penularan wabak CoVid-19 yang semakin kritikal daripada Kementerian Kesihatan Malaysia dan Agensi Pengurusan Bencana Negara. Ia disusuli dengan penemuan positif CoVid-19 dalam kalangan 16,000 jemaah tabligh yang menghadiri Jodr Qudama' dan Ulama' Malaysia anjuran Jemaah Tabligh di Masjid Jamek Sri Petaling Kuala Lumpur. Ahli-ahli bersetuju dan memutuskan seperti berikut:
  - i. Semua aktiviti di masjid dan surau termasuk solat Jumaat, solat berjemaah, kufiah, ceramah dan majlis akad nikah hendaklah ditangguhkan untuk tempoh 15 hari berkuatkuasa pada 17 hingga 31 Mac 2020.
  - ii. Sepanjang tempoh tersebut azan lima waktu solat fardhu hendaklah diteruskan seperti biasa oleh bilal yang bertugas dengan gantian seruan *ha'lalatain* (حي على الصلاة، حي على الفلاح) kepada (صلوا في بيتكم) yang bermaksud "solatlah di rumah kamu". Ini berdasarkan hadis riwayat al Bukhori (668) dan Muslim (699) daripada Ibnu Abbas RA. Lafaznya adalah seperti berikut:
 

الله أكْرَبُ، الله أكْرَبُ، الله أكْرَبُ  
أشهَدُ أَنْ لَا إِلَهَ إِلَّا اللهُ، أَشهَدُ أَنْ لَا إِلَهَ إِلَّا اللهُ  
أشهَدُ أَنَّ مُحَمَّداً رَسُولَ اللهِ، أَشهَدُ أَنَّ مُحَمَّداً رَسُولَ اللهِ  
صلُوْلُوا فِي بَيْتِكُمْ، صلُوْلُوا فِي بَيْتِكُمْ  
الله أكْرَبُ، الله أكْرَبُ،  
لَا إِلَهَ إِلَّا اللهُ
  - iii. Sepanjang tempoh tersebut semua masjid dan surau dinasihatkan untuk melaksanakan operasi pembersihan dan penyahkuman sebagai langkah-langkah mengelak jangkitan kuman.

- iv. Sepanjang tempoh tersebut juga, semua ahli qaryah hendaklah menunaikan solat Zuhur pada hari Jumaat dan solat fardhu lima waktu di rumah masing-masing.
- v. Pelanjutan atau penamatan tempoh lima belas hari berkenaan tertakluk kepada nasihat dan pandangan Jabatan Kesihatan Negeri Pulau Pinang.
- vi. Sekiranya berlaku kematian akibat virus CoVid-19, pengurusan jenazah hendaklah dilaksanakan mengikut keputusan Muzakarah Jawatankuasa Fatwa MKI Kali Ke-107 yang bersidang pada 10-11 Februari 2015 mengenai hukum Pengurusan Jenazah Orang Islam Yang Disyaki Atau Disahkan Dijangkiti Virus Ebola (Ebola Virus Diseasa: EVD) Di Malaysia. Pengecualian dan kelonggaran (rukhsah) diberikan sekiranya terdapat keadaan-keadaan yang boleh menimbulkan kemudharatan kepada nyawa manusia yang menguruskan jenazah tersebut. Jenazah boleh diuruskan melalui prosedur tayammum yang paling ringan risiko dan kesan bahayanya seperti melakukan tayammum hanya di atas permukaan beg jenazah atau pembalut plastik yang membalut jenazah tersebut sahaja.
- vii. Semua umat Islam dinasihatkan untuk melaksanakan Qunut Nazilah dan Solat Hajat di rumah masing-masing bagi memohon keselamatan dan kesejahteraan.

Sekian, dimaklumkan.



**DATO' SERI DR. WAN SALIM BIN WAN MOHD NOOR**  
Mufti Kerajaan Negeri Pulau Pinang  
Merangkap Pengerusi Jawatankuasa Fatwa Negeri Pulau Pinang

17 Mac 2020